

Канон святому благоверному великому князю Андрею Боголюбскому

Память празднуем 4(17) июля

Тропарь, глас 8-й

Яко благоверен и праведен, за любовь Христа Бога от своих смерть приял еси, кровь свою пролив, якоже прежде сродницы твои и страстотерпцы Борис и Глеб, ихже кровем совоплет и твоя кровь, святе, к Богу, якоже Авеля и Захарии праведных, благоверный страстотерпче, великий княже Андрее, с нимиже Христа Бога моли о стране нашей, еже Богоугодней быти и сыновом российским спастися.

Ин тропарь, глас 3-й

Еже во плоти житию твоему удивися Ангельстии Чини: како с телом к невидимым сплетением изшел еси, преславне, и уязвил еси демонския полки. Отонудуже, Андрее, Христос тебе воздаде богатыми дарованьми: сего ради, отче, моли спастися душам нашим.

Канон, глас 8-й

Песнь 1

Ирмос: Колесницегонителя фараона погрузи чудотворяй иногда Моисейский жезл, крестообразно поразив и разделив море, Израиля же беглеца, пешеходца спасе, песнь Богу воспевающа.

Припев: Святыи благоверный княже Андрее моли Бога о нас.

Славнейшаго Тебе Царя и Владыку Небесных Сил и всякаго создания, Творца же и Господа, Трипостаснаго и Единосущнаго Бога молю: отверзи уста моя недостойная пети раба Твоего, великаго князя и чудотворца Андрея.

Святыи благоверный княже Андрее моли Бога о нас.

Богоспасяемаго земнаго отечества быв слава и глава, Небеснаго Отечества наследник показался еси, благоверный

княже Андрее, пролитием крове твоей неповинныя, в немже ликуя со Ангелы, поеши Единое Божество Святыя Троицы.

Слава: Града Вышняго Сиона в кровех водворяяся, Трисолнечнаго Божества славы богато наслаждаешися, еже и нас причастники сотвори непрестанными твоими ко Господу предстательства, поющих тя, блаженне княже Андрее.

И ныне: Владимира града Россійския державы благочестивый народ просветила еси, о Преблагословенная Богородице Марие, Андреевым принесением чудотворнаго Твоего образа, егже списа Богогласный евангелист Лука.

Песнь 3

Ирмос: Утверждение мое, Спасе, еси, прибежище мое и сила, поколебавшееся сердце мое утверди в страхе Твоем, яко несть свят, якоже Ты, Бог наш.

Святыи благоверный княже Андрее моли Бога о нас.

Святыя Богородицы чудотворный образ яко непобедимое оружие на враги и покров твердейший во бранех имел еси, досточудне Андрее, всю свою надежду на Первообразную полагая, ведый Тоя всеильное заступление.

Святыи благоверный княже Андрее моли Бога о нас.

Соборныя церкви Владимирския основатель и украситель был еси, преблаженне, храм светозарен Господеву имея сердце твое, храмы и нас соделай Духу Святому непрестанными твоими и богоприятными молитвами, всечестне.

Слава: Апостольския проповеди о Христе и отеческая учения твердо в сердце твоем печатлея, благочестием и верою просиял еси, преславне, паче солнца, в техже моли и нам сохраненным быти до конца Того благодатию.

И ныне: Великия тайны чудо на Тебе устрои Богоизбранная Отроковице: Безначальнаго бо Отца Единосущное Слово действием Святого Духа из Тебе воплотися во спасение наше и обновление, Благодатная.

Господи, помилуй (трижды).

Седален, глас 5-й

Па́мять блаже́ннаго и пра́веднаго страсотёрпца вели́каго кня́зя Андре́я Боголю́бываго, похва́льными пе́снями возвели́чим: днесь бо предсто́ит у Престо́ла всех Царю́, Христа́ Бо́га, и мо́лится непреста́нно Го́сподеви грехо́в оставле́ние и жити́я исправле́ние дарова́ти пра́зднующим духо́вно святу́ю его́ па́мять и ве́рно покланя́ющимся чудотво́рней ра́це моще́й его́.

Слава: Чу́ства вся плóти обузда́в и стезе́ю за́поведей Божество́нных ходи́в, отту́ду просла́вился еси́ сла́вою и от сла́вы в сла́ву прешёл еси́, вели́кий кня́же Андре́е: чудеса́ бо дивно́ соде́лал еси́, си́лою Креста́ укрепив́ся, полки́ сопроти́вных одолёл еси́ и челове́ки я́сно научи́л еси́ служи́ти Еди́ному в Тро́ице Бо́гу, Его́ же моли́ спастися́ нам.

И ныне: Предста́тельство на́ше крёпкое, и покрóв и стéну непребори́мую воспо́им, Мари́ю Дéву Всенепоро́чную: при́сно бо предстоя́щи Престо́лу Сы́на Своего́ и Бо́га, мо́лит Того́ дарова́ти благовре́менну по́мощь и спасе́ние всем, усёрдно призы́вающим Ю́ и ве́рно покланя́ющимся свято́му Ея́ о́бразу.

Песнь 4

Ирмос: Услы́шах, Го́споди, слух Твой и убоя́хся, я́ко неизрече́нным Со́ветом, Бог сый Присносу́щный, от Дéвы прошёл еси́, вопло́щся. Сла́ва снизхожде́нию Твоему́, Христе́, сла́ва си́ле Твое́й.

Святы́й благове́рный кня́же Андре́е моли́ Бо́га о нас.

Це́ркви мно́гия созда́л еси́ во сла́ву Иису́са Христа́ и Пречи́стыя Его́ Ма́тере, всеблаже́нне Андре́е. И в них непреста́нное славосло́вие приноси́л еси́, вопи́я: сла́ва снизхожде́нию Твоему́, Христе́, сла́ва си́ле Твое́й.

Святы́й благове́рный кня́же Андре́е моли́ Бо́га о нас.

Пе́рваго своего́ гражда́нства, су́щаго на Небесе́х, любéзно возжелáл еси́, боголю́бивый кня́же Андре́е, сего́ ра́ди стра́хом Госпо́дним па́че ца́рскаго порфи́роносия оде́явся, земно́е жи́тельство проходи́л еси́.

Слава: Иере́я дре́вле Вышегра́дскаго напра́вил еси́, преблаже́нне, спутешество́вати тебе́, па́че же чудотво́рному

Богоматере образу; управи и мене, святе, шествовати путем заповедей Божиих, по немуже сам усердно ходил еси.

И ныне: Светом Божественным исполни сердце мое, Богородице Дево, еже злых присно ми отвращатися, благих же неуклонно держатися теплыми Твоими к Богу о нас молитвами.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма, окаяннаго, но обрати мя и к свету заповедей Твоих пути моя направи, молюся.

Святыи благоверный княже Андрее моли Бога о нас.

Тезоименитаго Тя ведуци первозванному ученику Христову, сообразна тому видим тя и в кончине твоей, христоробивый княже: за правду бо кровь свою излил еси, яко агнец незлобивый, закалаемь от тех, имже свой и благодетель был еси.

Святыи благоверный княже Андрее моли Бога о нас.

Тщанием крепким правосудию прилежал еси, богорачительный княже, не познавая лица на суде, ниже сильного бояся, сего ради от злодейственных ненавистников, от ножа скончавашися.

Слава: Написася твое имя в книгах живота вечнаго на Небесех, чудный страдальче, и нас тамо вписанных быти ходатайствуй, славящих Христа в честном страдальчестве твоём.

И ныне: Сие и мы приносим, Благодатная Богородице Дево, еже древле Гавриил Архангел принесё Ти, благодарственно воспевающе: радуйся, Обрадованная, Господь с Тобою, благословен Пречистый Плод святого чрева Твоего.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся, к Тебе бо возопих, и услыши мя, Боже спасения моего.

Святыи благоверный княже Андрее моли Бога о нас.

Все житие свое добре украшал еси, страстотерпче Андрее, прилежными молитвами, постом и чистотою, правосудием и милосердием, благочестно Господеви служая день и ночь.

Святы́й благове́рный кня́же Андре́е моли́ Бо́га о нас.

Свято́му Ду́ху дом бысть незло́бное се́рдце твоё, Богоблаже́нне, чистото́ю кра́сящееся, ея́же ра́ди ны́не зри́ши чи́сте Святу́ю Трои́цу, озаря́я нас чудес́ луча́ми и исцелений́ блиста́ньми.

Слава: Благове́рному и боголюби́вому нра́ву прилежа́, Христа́ всели́л еси́ во благоразу́мную ду́шу твою́, досточу́дне, те́мже и нас боголюби́вому и благочестивому жити́ю ревни́тели покажи́ и Небе́снаго Ца́рствия насле́дники, воспева́ющих тя.

И ны́не: Вели́кому милосе́рдию Сы́на Твоего́, прича́стники сотвори́ нас, Богороди́тельнице, в день вели́каго и пра́веднаго Суда́ Его́, егда́ второ́е на зе́млю при́дет со сла́вою стра́шною.

Го́споди, поми́луй (трижды). Слава, и ны́не:

Кондак, глас 8-й

В ми́ре сем благоче́стно и пра́ведно пожив, моли́твою, ми́лостынею и благострада́нием Бо́гу угоди́л еси́, сегó ра́ди и Бог по уби́ении твоём просла́ви тя нетле́нием и чудесы́, Его́же, свя́те Андре́е, моли́ сохра́нити оте́чество твоё; и всех люде́й, благоче́стно тебе́ почита́ющих.

Икос

Ве́рою и любóвию послужил еси́ Христу́ Бо́гу во днех живота́ твоего́, сла́вне Андре́е, по страда́льчестей же кончи́не твоёй со святы́ми всели́лся еси́, нетле́нием же телесе́ и да́ром чудотворений́ почтён еси́ от Мздовозда́теля. Те́мже с любóвию вопи́ем ти: ра́дуйся, благопло́дная о́трасле от держа́внаго и свята́го ко́рене. Ра́дуйся, благове́рия любезный рачи́телю; ра́дуйся злочестия́ ре́вностный искорени́телю. Ра́дуйся, любому́дрия приле́жный сниска́телю; ра́дуйся целому́дрия непоро́чный храни́телю. Ра́дуйся, милосе́рдия обильный разда́телю; ра́дуйся, лука́вых духо́в прогони́телю. Ра́дуйся, злостра́ждущих ско́рый исцели́телю; ра́дуйся, всеросси́йскаго ро́да предста́телю. Ра́дуйся, христоро́убиваго во́инства побóрнице; ра́дуйся, моле́бнице те́плый Христу́ о всех, благоче́стно тебе́ почита́ющих.

Песнь 7

Ирмос: Божия снизхождѣния огонь устыдѣся в Вавилоне иногда. Сего ради отроцы в пещи, радованную ногою, яко во цветнице, ликующе, пояху: благословен еси, Боже отец наших.

Святый благоверный княже Андрее моли Бога о нас.

Князю Боголюбивому Андрею духовныя песни принесем, сошедшеся к цельбоносней раце нетленных мощей его, просяще грехов разрешенія и мирнаго житія у Христа, Благословеннаго отцев Бога.

Святый благоверный княже Андрее моли Бога о нас.

Андрею, чудотворцу и мученику, усердно возопиим: моли о нас Человеколюбца Бога, всеблаженне, торжествующих память страдальчества твоего, преславнаго и Христу поющих отрочески: благословен еси, Боже отцев наших.

Слава: Боголюбовскому месту любезно прилежа, чисто тамо водворился еси, Андрее Богомудре, идеже сродницы твои и слуги любими, мужественное и святое твое тело изранивше, убиша, ты же славил еси Благословеннаго Бога отцев наших.

И ныне: Славному Владычню престолу предстоящи, Славная Владычице Богородице Дево, со блаженным Андреем моли Сына Твоего и Бога всем вечное спасение даровати, поклоняющимся святому образу твоему и Христу поющим отрочески: Боже, благословен еси.

Песнь 8

Ирмос: Седмерицею пещь халдейский мучитель Богочестивым неистовно разжже, силою же лучшею спасены, сие видев, Творцу и Избавителю вопияше: отроцы, благословите, священницы, воспойте, людие, превозносите во вся веки.

Святый благоверный княже Андрее моли Бога о нас.

Чудотворцу и мученику князю Роману и брату его Давиду сродник и подражатель был еси, Андрее прехвальне, вси бо вы мученическою стезею востекосте в Небесныя Обители ко Христу Богу, Егоже молити сохранити нас от всякия напасти, поклоняющихся Ему во веки.

Святы́й благове́рный кня́же Андре́е моли́ Бо́га о нас.

Влади́мирскому предѣлу самодѣржец благочесті́в яви́лся еси́, пра́ведниче, во плóти живы́й; ны́не в Небѣсном Ца́рствии со Ангелы лику́я, посеща́й оте́чество твоѐ, чудеса́ от ра́ки и цельбы́ пода́я вопи́ющим: вся дела́ Господня́, Го́спода по́йте и превозноси́те во вся ве́ки.

Слава: Трудолю́бием плоть свою́ изнури́л еси́, всечѣстне, и безстра́стием боголю́бивую ду́шу твою́ возрасти́л еси́, в ня́же благода́ть Пресвяты́я Тро́ицы всѣльши́ся, всего́ тя светно́сна соде́ла, непреста́нно вопи́юща: о́троцы, благослови́те, священни́цы, воспой́те, лю́дие, превозноси́те Го́спода вовѣки.

И ны́не: Многогрѣшнаго мя, Пресвята́я Богороди́це, помилуй́ стрел лука́ваго избавля́ющи, и огонь страсте́й мои́х погаси́, и сподоби́ прісно имѣти жити́е ми́рное и безмяте́жное и Тебе́ со Единоро́дным Твои́м Сы́ном и Бо́гом пѣти и превозноси́ти непреста́нно во вся ве́ки.

Песнь 9

Ирмос: Ужасе́ся о сем Не́бо и земли́ удиви́шася концы́, я́ко Бог яви́ся челове́ком плóтски и чре́во Твоѐ бысть пространне́йшее Небѣс. Тем Тя, Богороди́цу, Ангелов и челове́к чинонача́лия велича́ют.

Святы́й благове́рный кня́же Андре́е моли́ Бо́га о нас.

Иоа́нна Крестите́ля воздержани́ю послѣдуя, Иоа́нна же напе́рсника целому́дрию подража́я, Дави́довою крото́стию оде́ваясь и Соломо́новою му́дростию облистáвсья, Или́ину ре́вность и Петро́во исповѣ́дание благоче́стием свои́м и Правосла́вием стяжа́л еси́ и Христу́ му́ченически спострада́л еси́, пребога́те.

Святы́й благове́рный кня́же Андре́е моли́ Бо́га о нас.

Влади́мира гра́да и всея́ земли́ Росси́йския лю́ди сохраня́й, боголю́бивый и всесла́вный кня́же Андре́е, от бед и печале́й, во Правосла́вии и благоче́стии моли́твами твои́ми соблюда́я всех нас, пѣсньми тебе́ велича́ющих.

Слава: Жи́теля мя су́ща земна́го, жи́теля сотвори́ и Небѣсна предста́тельством твои́м ко Го́споду, преблаже́нне, приѣмля

убо́гое си́е тебѣ песнослóвие, да ты, я́ко благодѣтеля моего́, прѣсно велича́ю.

И ныне: Ни́ща и убо́га мя добродѣтельми, о Всечѣстая и Приснодѣвствующая Богоро́дице, помѣлуй, мрак печáлей, уны́ния и отча́яния разгоня́ющи и добродѣтельное ми богáтство подава́ющи, и мѣлостью Твое́ю спаси́ мя и всѣх, велича́ющих пресвятóе ѿмя Твое́.